

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՀԱՅՏԱՐԱՐՈՒԹՅՈՒՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԱՄ-2019/09, 21.01.2019թ.

Բողոք ներկայացնող անձ՝ «Դելտա-Գրուպ» ՍՊԸ

Պատվիրատու՝ «Երևանի Ջերմաէլեկտրակենտրոն» ՓԲԸ

Գնման ընթացակարգի ծածկագիրը և առարկան՝ «ԵՋԵԿ-ԳՀԾՁԲ-19/3» ծածկագրով գնանշման հարցման ընթացակարգ, «Երևանի Ջերմաէլեկտրակենտրոն» ՓԲԸ-ի կարիքների համար գնումների վերաբերյալ խորհրդատվական ծառայությունների ձեռքբերում:

Բողոքի պահանջը՝

Պարտավորեցնել «ԵՋԵԿ-ԳՀԾՁԲ-19/3» ծածկագրով գնանշման հարցման ընթացակարգի գնահատող հանձնաժողովին չեղյալ համարել «Երևանի Ջերմաէլեկտրակենտրոն» ՓԲԸ-ի կարիքների համար հայտարարված «ԵՋԵԿ-ԳՀԾՁԲ-19/3» ծածկագրով ընթացակարգը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Մ. ԱՆԱՆՅԱՆ, ՔԱՐՏՈՒՂԱՐ՝ Ա. ԾԱՏՈՒՐՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

ք. Երևան

Գնումների բողոքարկման խորհրդին
Հասցե՝ ք. Երևան, Մելիք-Աղամյան փող. 1

Բողոք բերող անձ՝

Տնօրեն Ռուզաննա Բուրսայան

<<ԴԵԼՏԱ-ԳՐՈՒՊ>> ՍՊԸ

Հասցե՝ ք. Երևան, Նոր Նորք, Ն. Սյրեփանյան փող. 14,

բն. 19

Էլ. փոստ՝ deltagroup.arm@gmail.com

Հեռ. +37494129500

Պատվիրատու՝ «Երևանի Ջերմաէլեկտրակենտրոն» ՓԲԸ

Հասցե՝ ՀՀ, Երևան, Արին-Բերդի 3-րդ նրբանցք, թիվ 3 շք,

Էլ. փոստ՝ purchase@ytrpc.am

Գնման ընթացակարգի ծածկագիրը՝ ԵՋԵԿ-ԳՀԾՁԲ-19/3

Գնման ընթացակարգի առարկան՝

գնումների վերաբերյալ խորհրդատվական

ծառայությունների ձեռքբերում

Բ Ո Ղ Ո Ք

ԳՐ ՃԻՆԱՆՍՆԵՐԻ ՆԱԽԱՐԱՐՈՒՄ	
ԱՇԽԱՏԱԿԱՆ	
ՍՊՈՒՆ	2054-19
«21» 01	2019

1. Բողոքի առարկան

Սույ թվականի հունվարի 15-ին գնումների վերաբերյալ խորհրդատվական ծառայությունների ձեռքբերման նպատակով «Երևանի Ջերմաէլեկտրակենտրոն» ՓԲԸ-ի կողմից հայտարարվել է ԵՋԵԿ-ԳՀԾՁԲ-19/3 ծածկագրով գնանշման, հարցման ընթացակարգ, որի հրավերում առկա են խտրական և չհիմնավորված պայմաններ, ինչը առաջացնում է անհավասար պայմաններ մրցույթի հնարավոր մասնակիցների համար և անհիմն կերպով բարդացնում հնարավոր մասնակցությունը գնման գործընթացին:

2. Բողոքի իրավական հիմքերը և հիմնավորումները

2"1" ԵՋԵԿ-ԳՀԾՁԲ-19/3 ծածկագրով գնանշման հարցման ընթացակարգի հրավերի /այսուհետ՝ հրավեր/ 2.5 կետի 1-ին ենթակետի «ա» պարբերությամբ սահմանված է, որ մասնակիցների՝ <<Մասնագիտական փորձառություն>> որակավորման չափանիշի գնահատման համար ներկայացվելիք համանման պայմանագրի առարկան պետք է հանդիսացած լինի էներգետիկայի ոլորտում գնումների գործընթացի կազմակերպման և խորհրդատվական ծառայությունները: Տվյալ դեպքում «էներգետիկայի ոլորտում» եզրույթը անհարկի սահմանափակում է հնարավոր մասնակիցների մասնակցությունը և անհավասար պայմաններ է ստեղծում ընթացակարգի մասնակիցների համար: Վերը նշված եզրույթը որևէ հիմնավորում և դրա կիրառումը հակասում է.

հայտարարությամբ նախատեսված՝ համանման համարվող տնտեսական գործունեության նույն խմբերում: Տվյալ դեպքում նման եզրույթ պարունակող տնտեսական գործունեության խումբ գոյություն չունի.

- «Գնումների մասին» ՀՀ օրենքի 3-րդ հոդվածի 2-րդ մասին, որով սահմանված է, որ գնումների գործընթացը հիմնվում է 3 սկզբունքների վրա, այն է՝

1. գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2. պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3. ցանկացած անձի համար, անկախ նրա օրարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն: Ակնհայտ է, որ «**էներգետիկայի ոլորտ**» եզրույթը խտրական է, չի խրախուսում մասնակիցների շրջանակի ընդլայնում՝ այլ ճիշտ հակառակը.

- «Գնումների մասին» ՀՀ օրենքի 6-րդ հոդվածի 4-րդ մասի պահանջներին, որով սահմանվում է, որ չեն կարող սահմանվել մասնակցի՝ գնումներին մասնակցելու իրավունքի և որակավորման հետ կապված այնպիսի չափանիշներ, որոնք խտրական են և սահմանափակում են մրցակցությունը՝ անհիմն կերպով բարդացնում կամ պարզեցնում են հնարավոր մասնակցությունը գնման գործընթացին: Ակնհայտ է որ «**էներգետիկայի ոլորտ**» եզրույթը խտրական է և անհիմն կերպով բարդացնում է հնարավոր մասնակցությունը գնման գործընթացին:

2.2. Հրավերում առկա պայմանագրի նախագծի N 1 հավելվածով սահմանված տեխնիկական բնութագիր գնման ժամանակացույցը հակասում է գնումների մասին ՀՀ օրենսդրությանը, մասնավորապես.

- տեխնիկական բնութագիր-գնման ժամանակացույցով սահմանված է պահանջ, որ մասնակիցը պետք է ունենա առնվազն 5 (հինգ) գնումների համակարգող, որոնք ընդգրկված պետք է լինեն լիազորված մարմնի կողմից հրապարակվող գնումների որակավորված համակարգողների ցուցակում և որոնցից առնվազն մեկը պետք է ունենա առնվազն երեք տարվա աշխատանքային փորձ համապատասխան ոլորտում: Վերը նշված պահանջը հակասում է.

1" «Գնումների մասին» ՀՀ օրենքի 13-րդ հոդվածի 1-ին մասին, որով սահմանվում է, որ գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում: Տվյալ իրավանորմը, հստակ սահմանում է այն հատկանիշները որոնք ներառվում են գնման առարկայի բնութագրերում, իսկ տվյալ դեպքում պատվիրատուն գնման առարկայում սահմանել է պահանջ, որը վերաբերում է մասնակցի աշխատանքային ռեսուրսներին և դուրս է «Գնումների մասին» ՀՀ օրենքի 13-րդ հոդվածի 1-ին մասով նկարագրված հատկանիշների շրջանակից.

2" «Գնումների մասին» ՀՀ օրենքի 13-րդ հոդվածի 2-րդ մասի 3-րդ կետին, որով սահմանվում է, որ գնման առարկայի բնութագրերը պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը: Տվյալ դեպքում մասնակցի առաջ աշխատանքային ռեսուրսներին մասով նման պահանջի սահմանումը չունի որևէ օբյեկտիվ հիմնավորում չի բխում այն նպատակից, որի բավարարման նպատակով կատարվում է տվյալ գնումը:

որևէ նորմ չի սահմանում տվյալ ծառայության կատարման համար անհրաժեշտ նվազագույն աշխատանքային ռեսուրսների չափը:

3" ՀՀ կառավարության 2017թ.-ի հունիսի 1-ի թիվ 526-Ն որոշման 1-ին կետով հաստատված կարգի 21-րդ կետի 1-րդ մասին համաձայն որի:

«պատասխանատու ստորաբաժանումը՝

1) կազմում և հաստատում է գնման հայրը, որը ներառում է՝

ա. գնման առարկայի բնութագրերը: Ընդ որում, ապրանքների գնման դեպքում պարտադիր է որակի սերտիֆիկատի առկայությունը, եթե դա կիրառելի է տվյալ ապրանքի համար,

բ. մասնակիցների որակավորման չափանիշները, այդ թվում՝

- «Տեխնիկական միջոցներ» որակավորման չափանիշի մասով մասնակցին ներկայացվող պահանջները՝ ներառյալ դրանց հիմնավորման նպատակով մասնակիցներից պահանջող փաստաթղթերի և տեղեկությունների ցանկը, եթե Հայաստանի Հանրապետության գործող ստանդարտների կամ նորմատիվ-տեխնիկական պահանջների համաձայն տվյալ գնումը կատարելու նպատակով կնքվելիք պայմանագրի պարշաճ կատարման համար պահանջվում են համապատասխան տեխնիկական միջոցներ,

- շինարարական ծրագրերի՝ ներառյալ նախագծային փաստաթղթերի մշակման, փորձաքննության, տեխնիկական հսկողության և խորհրդատվական ծառայությունների գնումների, ինչպես նաև այն գնումների դեպքում, երբ Հայաստանի Հանրապետության գործող ստանդարտների կամ նորմատիվ-տեխնիկական պահանջների համաձայն կնքվելիք պայմանագրի պարշաճ կատարման նպատակով պահանջվում են համապատասխան աշխատանքային ռեսուրսներ, «Աշխատանքային ռեսուրսներ» որակավորման չափանիշի մասով մասնակցին ներկայացվող պահանջները՝ ներառյալ դրանց հիմնավորման նպատակով մասնակիցներից պահանջող փաստաթղթերի և տեղեկությունների ցանկը: Աշխատակազմի նվազագույն քանակին, պահանջվող որակավորմանը, աշխատանքային փորձին (տարիների նվազագույն քանակը, գործունեության ոլորտը և կատարած աշխատանքը) ներկայացվող պահանջները սահմանվում են սպառիչ և առանց երկակի մեկնաբանության հնարավորության...>>:

Ինչպես երևում է վերը նշված իրավանորմների վերլուծությունից՝ պատվիրատուն «Աշխատանքային ռեսուրսներ» որակավորման չափանիշի մասով մասնակցին ներկայացվող պահանջներ պետք է սահմանի նախագծային փաստաթղթերի մշակման, փորձաքննության, տեխնիկական հսկողության և խորհրդատվական ծառայությունների գնումների, ինչպես նաև այն գնումների դեպքում, երբ Հայաստանի Հանրապետության գործող ստանդարտների կամ նորմատիվ տեխնիկական պահանջների համաձայն կնքվելիք պայմանագրի պատշաճ կատարման նպատակով պահանջվում են համապատասխան աշխատանքային ռեսուրսներ: Մինչդեռ Հայաստանի զարգացման հիմնադրամի կողմից ԵՋԵԿ ԳՀԾՁԲ-19/3 ծածկագրով գնանշման հարցման ընթացակարգով ձեռք են բերվում պարզապես գնումների խորհրդատվական ծառայություններ:

Տվյալ դեպքում «Աշխատանքային ռեսուրսներ» որակավորման չափանիշի մասով մասնակցին ներկայացվող պահանջներ սահմանելը իրավաչափ չէ:

3. Բողոքի պահանջը.

Ելնելով վերոգրյալից խնդրում եմ.

1. Պարտավորեցնել ԵՋԵԿ ԳՀԾՁԲ-19/3 ծածկագրով գնման ընթացակարգի

ձեռքբերման նպատակով հայտարարված ԵՋԵԿ-ԳՀԾՁԲ-19/3 ծածկագրով գնման ընթացակարգը:

Կից ներկայացնում եմ.

1. Տուրքի վճարման անդորրագիրը՝

2. ԵՋԵԿ-ԳՀԾՁԲ-19/3 ծածկագրով գնանշման հարցման ընթացակարգի հայտարարությունը:

Բողոքը ներկայացնող անձ՝

